

مجموعه ابو الضرب

ماسوا شایه سندن دلی تطهیرہ چالش

پرتو حکمت و عرفان الہ تنویرہ آتش

هر ماه عربی ابتدایه اون بشده نشر اولور قون مجموعه سیدر

جزو ۴۰ [فی ۱۵ صفر سنہ ۱۳۰۲] نسخہ سی ۳ فروش

غلبه به بدل دوچار هزیمت اوله جفتی پک اعلا بیلدیکندن سردراك بوفکرینه
 شدیداً اعتراض ایلدی. ایکی قوماندان آرسنده کی بو اختلاف تدبیر صورت
 خصوصیه ده حل ایدیه مدیکندن نهایت عموم رؤسای حرب آزمان مرکب
 بر مجلس عمومی عقد ایدلمشیدی. فقط بوراده دخی اورپی یادک اصابت
 رأی تصدیق اولغله ته میستوقلی آکا اتباعه دعوت ایدلمش و حال بوکه
 کنیدی حسابنده محطی اولدینه و آکا اتباع ایدلمک لازم کلسه
 اضمحلال مقرر بولندیغه قانع بولنمندن طار بوغازده یعنی سالامین برزخنده
 محاربه اتمک رأینده عناد درجه سنده اصرار کوستردیکندن مجلسده
 شحاتت خیرانه برغلو قومش و اورپی یاد ایه گرک حدث و گرک رأینک
 تصدیق اولنمندن طولانی حاصل ایتدیکی غرور ورعوت ساقه سیله النده
 بولنان عصای سرداری بی اورمق اوزره نه میستوقلیسه طور هجوم
 کوستردیکنده مشار الیه صواب محض اولمق اوزره اجتهاد ایتدیکی برفکرده
 ثبات ایله قوماندانک تهدیدینه قارشى تواضع آلود برطور بی باکانه ایله
 اورپی یادک عصاسنه اظهار سرفرو ایدهرک « اور! فقط دیکله! » کلمات
 سکون آوریله مقابله کوسترمش و بونک اوزرینه آرتق حقنده ارائه شده
 لزوم کورولیه رک بسط ایتدیکی افکاردن رأینده کی اصابت تقدیر اولغله
 دشمنک سلامینده قارشولنمسنه قرار ویرلمش و بناءً علیه یونانلیلر ایران
 سفائتی کاملاً پریشان ائلمشدر.

مزاج بشرده کی غرابته حدود اوله ماز.

یونانستانک یتشدریدیکی اصحاب فضائل میاننده افکار عالیه وعادله سیله
 تمیز ایدنلردن بریسی ده (آریستید) نامنده برذات ایدی. آینه لیلر فضائل فوق العاده سنندن طولانی پرستش ایتدکاری بوذات

حقنده کوستردکلی آنا اعتمادی اووقته قدر برفرد ایچون کوسترمامشلا
ایدی . مشار الیه ایله معاصر اوله رق شهرت استقامت وعدالتجه کندینک
کعبه واردمدینی حالده فکر فعالانه وجسارت خارق العاده سیله مظهر توجه
عامه اولان (تہمستوقلیس) برکون آئینه جمهوریتی ایچون غایت مهم بعض
ملاحظات بولندیغنی وفقط قبل الوقوع شیوعی حالنده مأمول اولان فوائد
مبدل مضرات اوله جغندن مجلس عمومی به عرض ایدهمیه جکئی سویله مش
اولغله مجلس دخی ملاحظه سی هر نهدن عبارت ایسه استماع ایتک اوزره
مشارالیه آریستیدی مأمور ایتش وآنک ویره جکی رأی وحکم عموم ایچون
محض خیر اوله جغنی بیان ایله کرک عفتسه وکرک رزانت فکرینه الک بیوک
برنشانه اعتماد کوستر مش ایدی . بونک اوزرینه تہمستوقلیس آریستیده
ملاقات ایدهرک متفقین دوتماسنی یاقغله آئینه نک رجحان قوه بحریه سنی محافظه
ایلمکدن عبارت اولان فکر وقرارینی سویلر . آریستد ایسه مفظور اولدینی
عدل وانصاف جهتیله بویله غیر مشروع برتدیر ایله ایدیله جک استفاده دن
بالطبع منتفر اولسندن مجلسه عودتنده تہمستوقلیسک بطلان ملاحظه سنی
بیان ایلدیکنده مجلس عموم دخی برکونه مذاکره احتیاج کور مکسرین
آنک ویردیکی رأی بالاتفاق قبول ایدر .

اودورده آئینه ده مرعی الاجرا اولان برقانون حکمنجه اهاییدن
خارق العاده طلاق ویاثروت ویاخود جسارت وشجاعتی ایله بین الناس
کسب تمیز ایدن ذواتک توسیع مکنت وتکثیر طرفکیران ایله نهایت زمام
اداریه ید استبدادینه آلفه یول بولسنی منع ایتک اوزره اون سنه مدته
آئینه دن طردی لازم کلیدی . (اوسترا سیرم) دنیلان بوقانون احکامنجه
شهردن تعریب اولنه جق ذاتک لزوم تبعیدی حقنده هیچ اولمازسه اهاییدن
اون بیک کشینک رأی ویرمسی مقتضی ایدی که اهالی رأیلرلرینی بالمومی
سورولمش اولان اصدا ف اوزرینه یازارلر ایدی . حتی (اوسترا سیرم)

کله سی دخی صدف معناسنه دلالت ایدن (اوستراقون) کلسندن
ترکب ایتشدور .

ایشته آریستیدک دخی مجبول اولدینی فرط استقامت و علو افکاری
سببیه قزاندینی نفوذ و حیثیدن طولانی عاقبت بو جزا ایله محکومیتی لازم
کلیکله برقاعده آرای عمومیه به مراجعت ایدلمش و هر کسه بر صدفاره
کوندریله رک رایلرینک تحریری بیلدیرلمش ایدی . آینه جوارنده کی کوییلردن
برسی یازی یازمق بیلدیکی ایچون راست کله او جوارده بولنان و فقط شخص
و سیماسی کندیسجه مجبول اولان آریستیده مراجعتله لزوم نفی و تقریبی
حقنده کی رأینی کندیسنه یازدیرمق ایستر . آریستید ، شهرت عادلانه سی
دلدرده داستان اولان بو آدمک کندیسنه نه یامش و حقنده بویله برزای
ویره بیلک ایچون کرک شخصنه و کرک عمومه نه کونه مضراتده بولنمش
اولدینی مرقومدن سؤال ایدنجه صافدل کویلی ، « خیر خیر ! نه بکا ونده
خلقه بر مضرتی واردر . فقط کندیسینک شهرت عدالتی ایشتمکدن
اوصاندمده آنک ایچون بورائی ویریسورم . » سوزیله مقابلهده بولنمش
و بونکله انسانک غرابت مزاجی حقنده بریوک دلیل کوسترمشدر .

مأمونک حلمنه دائر بر فقره تاریخیه

مشاهیر خلفای عباسیه دن مأمونک حلم و اعتدالی حقنده مروی
اولان حکایات تاریخیه دندر که مشار الیه برکون برایش امر ایتک اوزره
اقامتکاهنک خارجنده بولنان خدامنی « یا غلام ! » دیه چاغرر . ایجری
کیرن خدمتکار همان « بهی افندم ! خدامک طعام ایتمز ، صوا ایچمز
و بشقه برایش کورمز لرمی ؟ یانکزدن آریلیر آریلمز یا غلام ! یا غلام ! دیه
حایقرمغه باشلارسکر ! بونه توکنمز یا غلام ! » دیه رک کستاخانه بر طاقم